

Iesus s'apparoist pour la seconde sois à ses Disciples, et se montre à Thomas; puis luy fait toucher ses playes.

HOMAS vn des douze Apostres, qui est appellé Gemeau, n'estoit point auec eux quand Iesus vint, parquoy les autres Disciples luy dirent, Nous auons veu le Seigneur; & iceluy leur dit, Si ie ne vois la marque des clouds, & ne mets ma main en son costé, ie ne croiray point. Huictiours apres les Disciples estoient dereches ensemble, & Thomas auec eux. Iesus donc vint comme les portes estoient clauses, & s'arresta au milieu d'eux, & dit, Paix vous soit: puis dit à Thomas, Mets icy ton doigt, & regarde mes mains; approche aussi ta main, & la mets en mon costé, & ne sois incredule, ains sidele. Thomas répondit, & luy dit, Mon Seigneur & mon Dieu. Iesus luy dit, Pource que tu m'as veu, Thomas, tu as creu. Bien-heureux sont ceux qui n'ont point veu, & ont creu. Et Iesus sit bien plusieurs autres signes deuant ses Disciples, lesquels ne sont écrits en ce liure. Or ces choses sont écrites afin que vous croyez que Iesus est le Christ fils de Dieu, & qu'en croyant vous ayez vie en son nom.

S. Iean Chap. 20.